



Број: 05/7-50-13-370-36/17

Сарајево, 23. 4. 2018.

Z A P I S N I K

36. sjednice Вјеча националних мањина БиХ, одржане 16. 4. 2018.

Сједница Вјеча националних мањина БиХ започела је у 16 сати.

Сједницом је председавао Тихомир Кнежићек, председавајући Вјеча националних мањина БиХ.

Сједници су присуствовали чланови Вјеча националних мањина БиХ: Андрија Сваток, први заменик председавајућег Вјеча националних мањина БиХ, Тјана Вучуревић, друга заменица председавајућег Вјеча националних мањина БиХ, Халил Бикај, Марија Грбић, Дејан Пиотровски, Ева Пашић-Јуhas, Јованка Манзаловић-Шалака, Хакан Варан, Велибор Куваћ, Драган Марковић, Тодорка Јовановић, Недžad Јусић, Вјероћка Гајић, Јакоб Финци, Силвија Вујовић, Младен Радмилић, Давор Ебнер и Недžad Јусић.

Сједници су, такође, присуствовали: Аида Крехо, секретар Заједничке комисије за људска права, Бранислава Вигњевић, стручна саветница у Заједничкој комисији за људска права, и Мерица Ковачић, волонтерка у Заједничкој комисији.

Сједници су, такође, присуствовали: Маја Лукић-Schade и Армин Деровоз, представници Уреда Вјеча Европе у БиХ.

Чланови Вјеча националних мањина БиХ усвојили су слjedeћи

D N E V N I R E D

1. Уsvајање Записника 35. сједнице Вјеча националних мањина БиХ;
2. Разматрање иницијативе за посјету страном вјечу националних мањина у којем се успјешно рјешава проблематика националних мањина;
3. Информација о провођењу Закона о забрани дискриминације с фокусом на националне мањине;
4. Разно:
 - Информација о статусу избора чланова новог сазива Вјеча националних мањина БиХ,
 - Информација о закључцима Заједничке комисије за људска права од 16. 4. 2018,
 - Иницијатива о грантовима као новој буџетској линији за националне мањине,
 - Информација о статусу Зборника радова с Међународне конференције “Аутиентичност националне мањине у БиХ”,
 - Иницијатива за одржавање заједничког састанка вјеча националних мањина у БиХ.

Članovi Vijeća nacionalnih manjina BiH jednoglasno su prihvatili predloženi dnevni red.

Ad. 1. Usvajanje Zapisnika 35. sjednice Vijeća nacionalnih manjina BiH

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. Član Vijeća nacionalnih manjina BiH Nedžad Jusić iznio je primjedbu na Prijedlog zapisnika 35. sjednice, a koja se odnosi na razmatranje Prijedloga izmjena i dopuna Zakona o prebivalištu i boravištu građana BiH, s posebnim osvrtom na pripadnike nacionalnih manjina, u smislu da se u tekst zaključka usvojenog prilikom razmatranja ove tačke dnevnog reda, iza riječi: „mogu prijaviti mjesto“ doda riječ: „prebivališta“.

Također, jednoglasno je prihvaćena sugestija da se u narednim zapisnicima jasno naznače predlagači za svaku tačku dnevnog reda.

Članovi Vijeća nacionalnih manjina **jednoglasno su usvojili** Zapisnik 35. sjednice, s navedenim izmjenama i sugestijama.

Ad. 2. Razmatranje inicijative za posjetu stranom vijeću nacionalnih manjina u kojem se uspješno rješava problematika nacionalnih manjina

Na inicijativu Mladena Radmilovića, a imajući u vidu aktivnosti iz Plana rada Vijeća nacionalnih manjina BiH za 2018. godinu, članovi Vijeća razmatrali su prijedloge za posjetu organima sa sličnim nadležnostima koje ima Vijeće nacionalnih manjina BiH, s ciljem razmjene iskustava, unapređenja rada i zaštite prava nacionalnih manjina.

Od nekoliko iznesenih prijedloga, te nakon rasprave, **sa 17 glasova „za“ i jednim glasom „suzdržan“**, članovi Vijeća podržali su inicijativu za posjetu Mađarskoj, odnosno njihovom državnom tijelu za nacionalne manjine, te zadužili Evu Pašić-Juhas i Tihomira Knežičeka da, u saradnji s Uredom sekretara, pristupe planiranju i realizaciji posjete.

Ad. 3. Informacija o provođenju Zakona o zabrani diskriminacije s fokusom na nacionalne manjine

Povodom razmatranja ove tačke, koja je uvrštena na inicijativu Nedžada Jusića, a imajući u vidu da iz objektivnih razloga nije bilo moguće osigurati prisustvo predstavnika Ministarstva za ljudska prava i izbjeglice BiH, članovi Vijeća nacionalnih manjina **jednoglasno su usvojili** sljedeći zaključak:

„Povodom razmatranja problema koji se pojavljuju u provođenju Zakona o zabrani diskriminacije kada su u pitanju nacionalne manjine, Vijeće nacionalnih manjina BiH odlučilo je zatražiti od Ministarstva za ljudska prava i izbjeglice BiH informaciju o provođenju Zakona o zabrani diskriminacije, s posebnim fokusom na pripadnike nacionalnih manjina, odnosno sa osvrtom na eventualne pojave diskriminiranja osoba zbog njihove pripadnosti nacionalnim manjinama.“

Također, zaključeno je da će se o ovoj informaciji raspravljati na jednoj od narednih sjednica, odnosno po dobivanju pisane informacije od nadležnog ministarstva, te da je potrebno osigurati i prisustvo predstavnika Misije OSCE-a u BiH.

Ad. 4. Razno

- Informacija o statusu izbora članova novog saziva Vijeća nacionalnih manjina BiH

Predsjedavajući Vijeća nacionalnih manjina BiH Tihomir Knežiček, u saradnji sa sekretarom Zajedničke komisije upoznao je članove Vijeća o prijedlozima iznesenim na 50. sjednici Zajedničke komisije za ljudska prava, održanoj 19. 3. i 16. 4. 2018, a koji se odnose na mogućnosti u vezi s rješavanjem problema izbora novih članova Vijeća nacionalnih manjina BiH, s obzirom da predložena odluka o imenovanju članova Vijeća nije dobila podršku u Domu naroda Parlamentarne skupštine BiH. Predložena su tri sljedeća rješenja:

- a) Pristupanje izradi jasno definiranih kriterija za izbor članova Vijeća nacionalnih manjina BiH;
- b) Raspisivanje novog javnog poziva za izbor članova Vijeća nacionalnih manjina BiH;
- c) Revizija već pristiglih prijava na prethodni javni poziv, te revizija Prijedloga odluke o imenovanju članova Vijeća nacionalnih manjina BiH.

O iznesenim prijedlozima Zajednička komisija nije se izjašnjavala, te je odlučeno da se pitanje odgodi za neku od narednih sjednica.

Članovi Vijeća primili su k znanju navedenu informaciju.

- Informacija o zaključcima Zajedničke komisije za ljudska prava od 16. 4. 2018.

Predsjedavajući Vijeća nacionalnih manjina BiH Tihomir Knežiček upoznao je članove da je 51. sjednica Zajedničke komisije za ljudska prava, na kojoj se trebalo izjašnjavati o zaključcima, odnosno preporukama Vijeća nacionalnih manjina, prekinuta jer nije bilo kvoruma, te da će se o ovom pitanju raspravljati na njenom nastavku.

Informacija je **primljena k znanju**.

- Inicijativa o grantovima kao novoj budžetskoj liniji za nacionalne manjine

Povodom razmatranja Inicijative o uvođenju nove budžetske - grant linije, uvrštene u dnevni red na inicijativu Dragana Markovića, članovi Vijeća *jednoglasno su usvojili* zaključak kojim od Ministarstva za ljudska prava i izbjeglice BiH i Ministarstva civilnih poslova BiH traže informaciju o mogućnosti uvođenja nove, posebne budžetske linije pri Ministarstvu za ljudska prava i izbjeglice BiH i Ministarstvu civilnih poslova BiH, a koja bi se odnosila na grant sredstva namijenjena za podršku udruženjima nacionalnih manjina za pokrivanje operativnih troškova ureda udruženja. S obzirom da udruženja nacionalnih manjina apliciranjem na javne pozive

za podršku projektima ne mogu adekvatno osigurati pokrivanje operativnih troškova udruženja, preporučljivo je da se udruženjima ponudi i takva vrsta finansijske pomoći. Grant sredstva s posebne nove linije služila bi udruženjima za pokrivanje troškova rada ureda kao što su troškovi za komunalije, komunikacije, zakup prostora, nabavku opreme, održavanje opreme i prostora, knjigovodstvene usluge, ovjeravanje kopija, izmirenje poreza za donacije koje dolaze iz inozemstva i slične vrste troškova. Predloženi grant ne bi obuhvatao troškove osoblja udruženja niti bilo koje druge ljudske potencijale.

- Informacija o statusu Zbornika radova s Međunarodne konferencije “Autentičnost nacionalne manjine u BiH”

Predsjedavajući Vijeća nacionalnih manjina BiH Tihomir Knežiček upoznao je članove da i pored nekoliko urgencija, pojedini izlagači na Međunarodnoj konferenciji pod nazivom “Autentičnost nacionalne manjine u BiH” nisu dostavili svoje radove kako bi bili objavljeni u Zborniku s Međunarodne konferencije. U skladu s navedenim, članovi Vijeća su, **sa 17 glasova „za“ i jednim glasom „suzdržan“, usvojili zaključak** da se autorima koji nisu dostavili radove uputi dopis u kojem će se, još jednom, pozvati da do 7. 5. 2018. dostave autorizirane radove, s napomenom da će se u protivnom Zbornik štampati bez njihovih radova. U slučaju da radovi ne budu dostavljeni Zbornik će sadržavati naznaku teme na koju su autori izlagali, uz napomenu da ni nakon više urgencija nisu dostavili autorizirane radove.

- Inicijativa za održavanje zajedničkog sastanka vijeća nacionalnih manjina u BiH

Povodom razmatranja ove tačke dnevnog reda, članovi Vijeća jednoglasno su podržali inicijativu za održavanje zajedničkog sastanka vijeća nacionalnih manjina koji djeluju u Bosni i Hercegovini, Odbora za Rome pri Ministarstvu za ljudska prava i izbjeglice BiH, te komisija za ljudska prava sa svih nivoa vlasti u BiH. Također, podržana je ideja da se Vijeće nacionalnih manjina BiH za pomoć u organizaciji, posebno s finansijskog aspekta, obrati Misiji OSCE-a u BiH i Uredu Vijeća Evrope u BiH.

Sjednica Vijeća nacionalnih manjina BiH završena je u 17.30 sati.

Sastavni dio Zapisnika je tonski snimak 36. sjednice Vijeća nacionalnih manjina BiH.

Predsjedavajući Vijeća nacionalnih manjina BiH
prof. dr. Tihomir Knežiček

